

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N 01-02/04

ქ. ბათუმი

15 იანვარი, 2019 წ.

ბსუ-ს ტექნოლოგიური ფაკულტეტის აკადემიური თანამდებობის
დასაკავებლად ღია კონკურსის გამოცხადების შესახებ


„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „ბსუ-ს აკადემიური პერსონალის რაოდენობის განსაზღვრის წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 29 ივნისის N03 გადაწყვეტილების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, „ბსუ-ს ტექნოლოგიური ფაკულტეტის დეკანის, გაიოზ ფარცხალაძის 2018 წლის 3 ოქტომბრის MES 2 18 01271201 სამსახურებრივი ბარათის, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის ტექნოლოგიური ფაკულტეტის აკადემიური პერსონალის საშტატო განრიგში ცვლილების შეტანის შესახებ“ აკადემიური საბჭოს 2018 წლის 13 დეკემბრის N144 დადგენილების, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის აკადემიური პერსონალის საშტატო განრიგისა და სახელფასო ფონდის დამტკიცების შესახებ“ ადმინისტრაციის ხელმძღვანელის 2019 წლის 14 იანვრის N01-10/3 ბრძანების საფუძველზე

ვბრძანებ:

1. გამოცხადდეს კონკურსი ბსუ-ს ტექნოლოგიური ფაკულტეტის ინჟინერიისა და მშენებლობის დარგობრივ დეპარტამენტში არქიტექტურის მიმართულებით ასისტენტის აკადემიური თანამდებობის დასაკავებლად.
2. კონკურსის გამოცხადებისა და საკონკურსო პირობების შესახებ ინფორმაცია (დანართი 1) გამოქვეყნდეს უნივერსიტეტის ოფიციალურ ვებგვერდზე (კონკურსების ველში).
3. საკონკურსო ვადები განისაზღვროს შემდეგნაირად:
 - ა) ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილებით (აკადემიური პერსონალის სამსახურში მიღების წესის) დამტკიცებული ფორმების შესაბამისად შედგენილი საკონკურსო განცხადების (ფორმა - დანართი 3), კონკურსანტის ანკეტისა (ფორმა - დანართი 4) და შესაბამისი დოკუმენტაციის წარმოდგენა - 2019 წლის 15 თებერვლიდან 19 თებერვლის ჩათვლით, 10 საათიდან 16 საათამდე, ბსუ-ს საპროცედურო კომისიაში შემდეგ მისამართზე: ქ. ბათუმი, ნინოშვილის/რუსთაველის N35/32, პირველი კორპუსი, ოთახი N2 (მატერიალური სახით წარმოდგენამდე კონკურსანტებმა საკონკურსო დოკუმენტაცია უნდა წარმოადგინონ ელექტრონულად, შემდეგ მისამართზე - bsukonkursi@bsu.edu.ge).
 - ბ) კონკურსი ჩატარდეს 2019 წლის 20 თებერვლიდან 22 თებერვლის ჩათვლით;

- გ) საკონკურსო კომისიების შემაჯამებელი ოქმები გამოქვეყნდეს არაუგვიანეს 2019 წლის 22 თებერვლისა.
4. კონკურსში გამარჯვებულ პირთან შრომითი ხელშეკრულება გაფორმდეს 2019 წლის 01 მარტიდან.
 5. ბრძანება გასაცნობად და აღსასრულებლად დაეგზავნოს ბსუ-ს ტექნოლოგიურ ფაკულტეტს, ადამიანური რესურსების მართვის სამსახურს, იურიდიულ დეპარტამენტს და საინფორმაციო ტექნოლოგიების სამსახურს.
 6. ბრძანება გამოქვეყნდეს ბსუ-ს ვებგვერდზე.
 7. ბრძანება შეიძლება გასაჩივრდეს ვებგვერდზე გამოქვეყნებიდან ერთი თვის ვადაში ბათუმის საქალაქო სასამართლოში (ქ. ბათუმი, ზუბალაშვილის ქუჩა N30).
 8. ბრძანება ამოქმედდეს ხელმოწერისთანავე.

რექტორი, ასოცირებული პროფესორი



მერაბ ხალვაში

„ბსუ-ს ტექნოლოგიური ფაკულტეტის აკადემიური თანამდებობის დასაკავებლად ღია კონკურსის გამოცხადების შესახებ” ბსუ-ს რექტორის 2019 წლის 15 იანვრის N01-02/18 ბრძანების

დანართი N1

კონკურსის გამოცხადებისა და საკონკურსო პირობების შესახებ ინფორმაცია

1. გამოცხადდეს კონკურსი ბსუ-ს ტექნოლოგიური ფაკულტეტის ინჟინერიისა და მშენებლობის დარგობრივ დეპარტამენტში არქიტექტურის მიმართულებით ასისტენტის აკადემიური თანამდებობის დასაკავებლად.
2. საკონკურსო განცხადება, კონკურსანტის ანკეტა და შესაბამისი დოკუმენტაცია წარმოდგენილი უნდა იქნეს 2019 წლის 15 თებერვლიდან 19 თებერვლის ჩათვლით, 10 საათიდან 16 საათამდე, ბსუ-ს საპროცედურო კომისიაში შემდეგ მისამართზე: ქ. ბათუმი, ნინოშვილის/რუსთაველის N35/32, პირველი კორპუსი, ოთახი N2 (მატერიალური სახით წარმოდგენამდე კონკურსანტებმა საკონკურსო დოკუმენტაცია უნდა წარმოადგინონ ელექტრონულად, შემდეგ ელექტრონულ მისამართზე - bsukonkursi@bsu.edu.ge);
3. კონკურსი ჩატარდება 2019 წლის 20 თებერვლიდან 22 თებერვლის ჩათვლით;
4. საკონკურსო კომისიის შემადგამებელი ოქმი არაუგვიანეს 2019 წლის 22 თებერვლისა გამოქვეყნდება უნივერსიტეტის ვებგვერდზე (www.bsu.edu.ge).
5. კონკურსში გამარჯვებულ პირთან შრომითი ხელშეკრულება გაფორმდება 2019 წლის 01 მარტიდან.
6. კონკურსის ძირითადი პირობებია:
 - ასისტენტის თანამდებობაზე 3 წლის ვადით შეიძლება აირჩეს დოქტორანტი.
 - ა) ბოლო 5 წლის განმავლობაში გამოქვეყნებული აქვს კლასიფიკატორის 2.3, 2.4 (ქართველოლოგიური დარგებისათვის), 2.6 ან 3.3 ქვეპუნქტებით განსაზღვრული ერთ-ერთი ნაშრომი/მონოგრაფია;
 - ბ) ბოლო 5 წლის განმავლობაში მონაწილეობა აქვს მიღებული და გამოქვეყნებულია შესაბამისი თეზისი/თეზისები კლასიფიკატორის 1.3 (ქართველოლოგიური დარგებისათვის) ან 1.4 ქვეპუნქტით განსაზღვრულ სამეცნიერო ღონისძიებაში;
 - გ) შესაბამისი მიმართულებით მომზადებული აქვს ჯგუფში მუშაობის/პრაქტიკულის/ლაბორატორიული სამუშაოს ან სხვა აქტივობის სასწავლო მასალა.
7. კონკურსში მონაწილეობის მსურველმა საპროცედურო კომისიაში უნდა წარადგინოს:
 - ა) პირადობის მოწმობის ასლი;
 - ბ) სამოტივაციო წერილი;
 - გ) დოქტორანტურაში სწავლის დამადასტურებელი ცნობა, გაცემული განცხადების წარმოდგენამდე 10 დღის ვადაში;

დ) 2 ფოტოსურათი (ზომა 3x4);

ე) განცხადება კონკურსში მონაწილეობის შესახებ (ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილებით დამტკიცებული აკადემიური პერსონალის სამსახურში მიღების წესით გათვალისწინებული N3 დანართის შესაბამისად შედგენილი);

ვ) კონკურსანტის ანკეტა (ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილებით დამტკიცებული აკადემიური პერსონალის სამსახურში მიღების წესით გათვალისწინებული N4 დანართის შესაბამისად შედგენილი);

ზ) შესაბამისი აკადემიური ხარისხის დამადასტურებელი დოკუმენტის (დოკუმენტების) კანონმდებლობით დადგენილი წესით დამოწმებული ასლი (უცხო ქვეყნაში მიღებული განათლების აღიარების კანონმდებლობით დადგენილი წესით გაცემული დოკუმენტი, ასეთის არსებობის შემთხვევაში).

8. 65 წელს მიღწეული პირის კონკურსში მონაწილეობის მიზანშეწონილობის საკითხს ფაკულტეტის დეკანის წარდგინების საფუძველზე განიხილავს და გადაწყვეტს ბსუ-ს აკადემიური საბჭო და მიღებული დადგენილება გამოქვეყნდება ბსუ-ს ვებგვერდზე.

9. ბსუ-ს წესდების, „ბსუ-ს აკადემიური პერსონალის აფილირების, აკადემიური დატვირთვის განსაზღვრისა და შრომის ანაზღაურების წესის დამტკიცების შესახებ“ ბსუ-ს წარმომადგენლობითი საბჭოს 2016 წლის 12 სექტემბრის N3 გადაწყვეტილების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების და წინამდებარე ბრძანების გაცნობა შესაძლებელია ბსუ-ს ოფიციალურ ვებგვერდზე (კონკურსების ველში).